

ԳՐԱՆՈՍՈՒԹՅՈՒՆ ԵՎ ՔՆՆԱԴԱՏՈՒԹՅՈՒՆ

Ս. Ղ. ՂԱԶԱՐՅԱՆ. ՀԱՅՈՑ ԳՐԱԿԱՆ ԼԵԶՎԻ ՊԱՏՄՈՒԹՅՈՒՆ

(Հատոր Ա., Հայպետհրատ, 1961)

Հայոց լեզուն աշխարհի հնագույն լեզուներից է, որ սկիզբ է առել հազարամյակների խորքից և հասել XX դարը՝ կոմունիզմի ու տիեզերական թռիչքների դարը։ Բազմաթիվ լեզուներ են գոյություն ունեցել հայերենի հետ կողք-կողքի, որոնք, սակայն, չեն դիմացել պատմության ծանր փորձություններին, անհետացել են, մահացել, թողնելով միայն իրենց անունը, երբեմն նաև որոշ հետքեր։

Հայոց լեզուն անցել է ծանր ու հերոսական մաքառումների ուղի։ Հայ ժողովուրդը զինքով ու արյունով է պահպանել ու պաշտպանել իր լեզուն, որովհետև այն զինք ու արյուն է եղել իր համար, իր գոյության համար։

Հայերենը, ինչպես և նրա ուսումնասիրումը իրենց զարգացման բարձր աստիճանին հասան սովետական շրջանում։ Նրա ամբողջ կառուցվածքի համակողմանի ուսումնասիրումը թե՛ արդի էտապում է թե՛ գոյության ամբողջ ընթացքում, հանդիսացել և հանդիսանում է սովետահայ լեզվաբանության հիմնական խնդիրը։ Շատ դժուր է կատարվել այդ ուղղությամբ, քայքայ գեղ շատ բան կա անելու։

Հայոց լեզվի պատմության ուսումնասիրման պատվավոր խնդրին է նվիրել պրոֆ. Ս. Ղազարյանը իր գիտական ընդմեջավոր գործունեության ամբողջ ընթացքում։ Հայերենի պատմության հին շրջանին է վերաբերում նոր լույս տեսած նրա հերթական գիրքը՝ «Հայոց գրական լեզվի պատմություն» ստվարածավալ աշխատության առաջին հատորը։

Նկատի ունենալով հայոց լեզվի նախադրային շրջանի վերաբերյալ քննարկվող հարցերի շրջանակները, նյութի ընդգրկումը, կարելի է ասել, որ գրախոսվող գիրքը ոչ միայն հայոց գրական լեզվի, այլև լայն առումով վերցրած հայոց լեզվի համապատասխան շրջանի պատմություն է։

Հայոց գրական լեզվի նախապատմության նվիրված բաժնում Ս. Ղազարյանը քննում է այնպիսի հարցեր, ինչպիսիք են՝ հայոց լեզվի կազմավորումը, հայոց լեզվի բնույթը, նրա աղբյուրային լեզուներից Նախահայկական ցեղերի լե-

զուների հետ, հայոց լեզվի պատկերը նախադրային շրջանում և այլն։

Հայոց լեզվի պատմության հարցերը Ս. Ղազարյանը վերլուծում է գիտական ճիշտ մեթոդով։ Նա լեզվի պատմության հարցերը քննում է կապված հայ ժողովրդի պատմության հետ, իսկ մյուս կողմից այս երկուսի պատմությունը նա չի նույնացնում։ Նա ելնում է գիտական լեզվաբանության կողմից ընդունված այն ճիշտ դրույթից, որ ժողովրդի ու նրա լեզվի կազմավորումները կարող են չհամընկնել։ «Ժողովրդական լեզուն,— իրավացիորեն գրում է Ս. Ղազարյանը,— կազմավորվում ու զարգանում է իր հիմքում ունենալով ժողովրդի կազմի մեջ մտած ցեղերից մեկի լեզվի օրենքները, իսկ ժողովուրդը ձևավորվում է հասարակության զարգացման որոշ աստիճանում հաճախ համահարթվելով իր մեջ ձուլված ցեղերի բոլոր առանձնահատկությունները, իր որակով տարրերով լի լինելով այն վտակներից, որոնցից զույգացել է» (էջ 17)։

Այս կարևոր հարցում ճիշտ կողմնորոշումը վճռական նշանակություն ունի հասկանալու, մի անգամ ևս հաստատելու համար այն ճշմարտությունը, որ հայոց լեզվի հնգվերնական բնույթն և հայ ժողովրդի տեղացի լինելը բնավ չեն հակասում և չեն բացասում իրար։

Հայոց լեզվի բնույթը քննելիս Ս. Ղազարյանը լեզվի կազմը համեմատում է թե՛ հնգվերնական հիմք-լեզվի հետ և թե՛ աղիանիկ լեզուների հետ, ըստ որում նրա բնույթը որոշելիս նա ելնում է ամենից առաջ ձևաբանական կառուցվածքից և բառային կազմի միջուկը հանդիսացող, տարրեր խոսքի մասերի պատկանող առավել կարևոր ու լեզվի բոլոր էտապների համար խիստ ընդունելի բառերից։ Հեղինակը միաժամանակ ճիշտ է գնահատում աղիանիկ լեզուների զգալի դերը հայերենի և մասնավորապես նրա բառապաշարի հարստացման գործում։

Ս. Ղազարյանը այս հարցերը քննելիս օգտագործել է հայագիտության բնագավառում ձևորեն ընդունված նվաճումները, հիմնվել է առաջավոր

պատմաբանների, լեզվաբանների հատկապես վերջին շրջանում կատարած ուսումնասիրությունների վրա: Սակայն նա հանդես չի գալիս ուրիշների ուսումնասիրության արդյունքները վերաբերողից դերում, այլ հարցը քննում է ըստ էության, ինքն էլ ավելի հիմնավորելով ու զարգացնելով իր կողմից ձեռնարկած այս կամ այն տեսակետը:

Նախադրային շրջանում հայերենի բնութագրի ու նրա զարգացման հարցերի քննությունից հետո Ս. Ղազարյանն անցնում է հայոց գրերի ու հայ դպրության ստեղծման հարցերին: Աշխատության մեջ գիտականորեն վեր է լուծված հայ գրերի գյուտը, նրա պատմական պայմանները, ըստ արժանիության գնահատված է հայ առաջին հանձարեղ գիտնական, մեծ հայրենասեր ու քաղաքացի Մեսրոպ Մաշտոցը: Թեև, նշենք, որ ամենարժան գնահատությունն իսկ շատ ցածր է այն անդհաճատելի ծառայության հանդեպ, որ մատուցել է այդ մեծ գիտնականն ու քաղաքացին իր ժողովրդին:

Հինգերորդ դարի հայ դասական գրականությունը, որ պատվի կարող է բերել աշխարհի ամեն մի քաղաքակիրթ ժողովրդի, հնարավոր եղավ ստեղծել միայն Մաշտոցի հայտնագործության շնորհիվ: Եթե հայագիտությունն այսօր կարողանում է ամենայն մանրամասնությամբ ուսումնասիրել հայ ժողովրդի և նրա մշակույթի պատմությունը մինչև շուրջ 1600 տարի առաջ բնկած մեծ ժամանակաշրջանում, դարձյալ՝ շնորհիվ Մեսրոպ Մաշտոցի: Հայ ժողովրդի պատմական անցյալը նկատի ունենալու դեպքում միանգամայն ակնհայտ է դառնում, թե ինչպիսի բացառիկ և, բառիս բուն իմաստով, կենսական նշանակություն ունեցավ գրերի գյուտը հայության պահպանման, հայ ժողովրդի գոյության համար:

Ս. Ղազարյանը այնուհետև քննում է նախամեսրոպյան հայոց գրերի գոյության, հայերենի գրերի քանակի ու հետագա ձևափոխման հարցերը:

Հինգերորդ դարի հայ գրական լեզվի դասերը քննելիս Ս. Ղազարյանը հիմք է բերում պրոֆ. Հր. Աճառյանի բաժանումը (Ողնկյան, Լիբրեմյան, Վյուրեղյան, Աղաթանգեղյան դասեր), իսկ Աճառյանն էլ, ինչպես հայտնի է, այդ հիմնականում կատարել է որոշ բանասերների հետևություններ:

Գրախոսվող աշխատության ստվար մասը նվիրված է զրաբարի համակարգին: Հեղինակը գիտական մանրամասն վերլուծության է ենթարկում զրաբարի կազմը՝ նախ նշյունական համակարգը, ապա քերականական կառուցվածքը: Հայտնի է, որ զրաբարի բաղմամբիվ դասագրքեր, ձևականներ կան, որոնցում քննված է

զրաբարի կառուցվածքը: Ս. Ղազարյանի դրքի այս բաժինը Հայկա տարբերվում է դասագրքային բնույթի աշխատությունների հատուկ շարադրանքից և չի հանդիսանում 5-րդ դարի զրաբարի իբրև հարաբերականորեն կայուն վիճակի նկարագրություն: Հեղինակը տալիս է զրաբարի համակարգի բնական նկարագրությունը, պատմական ուսումնասիրությունը: Մեծ մասամբ լեզվական երևույթները վերցնում է իրենց պատմական զարգացման մեջ: Դա վերաբերում է, թեև, նշյունական և թեև՝ քերականական երևույթներին:

Անշուշտ հեղինակը հին հայերենի կառուցվածքի ոչ բոլոր կողմերի պատմական զարգացումը կարող էր հավասար խորությամբ ներկայացնել իր աշխատության մեջ, և դա պայմանավորված է հիմնականում այն բանով, թե հին հայերենի ու հարցը ինչ չափով է ուսումնասիրված: Հին հայերենի ձևաբանական կառուցվածքի ուսումնասիրման բաժնում հատկապես խորն է ու բազմակողմանի հոլովման համակարգի պատմական քննությունը, ուր հեղինակը հենվում է հատկապես պրոֆ. Հր. Աճառյանի «Լիակատար քերականություն հայոց լեզվի» աշխատության 3-րդ հատորի և պրոֆ. Գ. Զահուկյանի «Հին հայերենի հոլովման սխեմներ և նրա ծագումը» աշխատության վրա: Այս առիթով նշենք, որ պրոֆ. Ս. Ղազարյանը լայն չափերով օգտագործել է գոյություն ունեցող ուսումնասիրությունները՝ սկսած այնպիսի խոշոր լեզվաբանների աշխատություններից, ինչպիսիք են Մեյեն, Աճառյանը, վերջացած սկսնակ մասնագետների գեղեցիկ անտիպ գիտնականներով, և իրեն հատուկ բարեխղճությամբ ու համեստությամբ նշել է այդ բոլորը:

Հին հայերենի գոյական անվան ուսումնասիրման մեջ պատմականության տեսակետից ուշադրավ են հատկապես հոլովական համակարգի զարգացման և հոլովական իմաստների դրսևորման հիմնական օրինաչափություններին, հոլովման տիպերի ու միջոցների ծագմանը ներկրված հատվածները: Այնուհետև հեղինակը անցնում է մյուս խոսքի մասերի քննությանը:

Հանդամանորեն և գիտական անհրաժեշտ խորությամբ են քննված նաև գերանունները և նրանց հոլովումը, բայական համակարգը: Բայը, որ հին հայերենի (և ոչ միայն հին հայերենի) քերականական կառուցվածքում զբաղված տեղի և քերականական կարգերի տեսակետից ամենահարուստ խոսքի մասն է, աշխատության մեջ ներկայացված է ամենայն մանրամասնությամբ, քննված են բայաձևերի կազմության, ծագման ու պատմական զարգացման հարցերը:

Գրախոսվող աշխատության մեջ զգալի տեղ է տրված զրաբարի շարահյուսական կառուցված-

քի ուսումնասիրմանը: Հայտնի է, որ զրարարի կառուցվածքի մեջ ամենաբիշ ուշադրության արժանացած բաժինը շարահյուսությունն է: Ս. Ղազարյանը օգտագործելով եղած զրականը և անձամբ ուսումնասիրելով զրարարի շարահյուսական կառուցվածքը՝ իր գրքում առաջին անգամ տվել է զրարարի պարզ նախադասության շարահյուսության ամբողջական վերլուծությունը: Նա մանրամասնորեն պարզարանում է նախադասության ամբողջ կառուցվածքը, պլանավորանգամները, ենթակայի ու ստորոգյալի լրացումները, նրանց բոլորի արտահայտությունը: Հեղինակը քննում է նախադասության անդամները արտահայտությունը ոչ միայն առանձին բառերով, այլև բառակապակցություններով, նախըրաժուր կապակցություններով, որոնք զրարարում զգալի կշիռ ունենի:

Շարահյուսության բաժնում առանձնակի ուշադրություն է դարձված այն երևույթների վրա, որոնք զրարարի յուրահատկությունն են հանդիսանում (սեռական ու տրական հոլովներով ենթակա, մի շարք նախըրաժուր կապակցություններով արտահայտված երկրորդական անդամներ, նախադասության անդամների համաձայնություն, հոգերի դերը զրարարի համաձայնության համակարգում և այլն): Ինչպես ամբողջ աշխատության մեջ, այնպես էլ հատկապես շարահյուսության բաժնում հեղինակն իր եզրակա-

ցությունները հիմնում, գատնություններն անում է հարուստ փաստական նյութի հիման վրա: Ուսումնասիրելով նախադասության կառուցվածքը՝ պրոֆ. Ս. Ղազարյանը հանդում է այն ճիշտ եզրակացություն, որ ռիարարի նախադասությունը իր կառուցվածքով ու արտահայտված բաղադրյալի հարաբերություններով վկայում է հայերենի զարգացածության ու մշակվածության բարձր աստիճանի մասին: Նույնիսկ հիսկերոյ դարում զրի առնված ժողովրդական երգերի պատմիկների մեջ հանդիպում են քերականական բաղադրան իմաստներ արտահայտող պարզ ու բարդ նախադասությունների տեսակներ, որոնք ցույց են տալիս, որ մեր թվականությունից շատ ու շատ առաջ հայերենը ստեղծել է նախադասությունների այն նախատիպերը, որոնց մեկը հանդիպում ենք մեր լեզվի զրաժուր շրջանում (էջ 391—392):

Պրոֆ. Ս. Ղազարյանի «Հայոց զրական լեզվի պատմություն» աշխատության զրախոսվող դիրքը այնքան արժանիքներ ունի, որ նրա առանձին թերություններն ու բացերը չեն իջեցնում զրի արժեքը, և այն համարձակորեն կարելի է համարել արժեքավոր ներդրում հայոց լեզվի պատմության ուսումնասիրման գործում:

Ա. Գ. ԱՐԲԱՆՈՎՅԱՆ